



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 414
e – mail: info@voda.ba

Broj: UP-I/25-1-40-002-4/21
Datum: 20.01.2021. god.

«Agencija za vodno područje rijeke Save» Sarajevo rješavajući po zahtjevu pravnog lica „DŽEKOS” d.o.o. Sarajevo za izdavanje prethodne vodne saglasnosti za ispuštanje tehnoloških otpadnih voda sa lokacije poslovno-skladišnog objekta, koja se planira graditi na zemljištu označenom k.č. broj: 1939/1 K.O. Novo Sarajevo IV (novi premjer), što odgovara k.č. broj 2198/2, 2201/2 i 2200/1 K.O. Donji Butmir (stari premjer), općina Novi Grad Sarajevo, na osnovu člana 109. Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), **donosi**

ZAKLJUČAK

1. Odbija se zahtjev pravnog lica „DŽEKOS” d.o.o. Sarajevo za izdavanje prethodne vodne saglasnosti za ispuštanje tehnoloških otpadnih voda sa lokacije poslovno-skladišnog objekta, koja se planira graditi na zemljištu označenom k.č. broj: 1939/1 K.O. Novo Sarajevo IV (novi premjer), što odgovara k.č. broj 2198/2, 2201/2 i 2200/1 K.O. Donji Butmir (stari premjer), općina Novi Grad Sarajevo, s obzirom da za predmetnu aktivnost, a u skladu s odredbama člana 109. Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i sl.

Obrazloženje

Pravno lice „DŽEKOS” d.o.o. Sarajevo svojim zahtjevom zaprimljenim 06.01.2021. godine, obratilo se ovoj Agenciji za donošenje Rješenja o prethodnoj vodnoj saglasnosti za ispuštanje tehnoloških otpadnih voda sa lokacije poslovno-skladišnog objekta, koja se planira graditi na zemljištu označenom k.č. broj: 1939/1 K.O. Novo Sarajevo IV (novi premjer), što odgovara k.č. broj 2198/2, 2201/2 i 2200/1 K.O. Donji Butmir (stari premjer), općina Novi Grad Sarajevo.

U provedenom postupku dostavljena je i pregledana slijedeća dokumentacija:

- Kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-20-001746 dana 12.06.2020. godine;
- Kopija Uvjerenja o poreznoj registraciji izdatog od strane Porezne uprave– Kantonalni ured Sarajevo dana 12.01.2005. godine;
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-6008/07 dana 01.08.2007. godine, izdatog od strane Uprave za indirektno-neizravno oporezivanje Banja Luka;
- Kopija katastarskog plana UR broj: 02/04-26-14577/2020-2 od 25.08.2020. godine izdatog od strane Službe za urbanizam, stambene, imovinsko-pravne, geodetske poslove i katastar nekretnina općine Novi Grad Sarajevo;
- Kopija Zemljišnoknjižnog izvadka, Katastarska općina: SP_Donji Butmir, broj: 065-0-NAR-20-056 112, ZK uložak broj 1591 izdat od strane zemljišnoknjižnog ureda Općinskog suda u Sarajevu dana 25.08.2020. godine;
- Kopija Zemljišnoknjižnog izvadka, Katastarska općina: SP_Donji Butmir, broj: 065-0-NAR-20-056 110, ZK uložak broj 2569 izdat od strane zemljišnoknjižnog ureda Općinskog suda u Sarajevu dana 25.08.2020. godine;

- Kopija Zemljišnoknjižnog izvadka, Katastarska općina: SP_Donji Butmir, broj: 065-0-NAR-20-056 111, ZK uložak broj 8200 izdat od strane zemljišnoknjižnog ureda Općinskog suda u Sarajevu dana 25.08.2020. godine;
- Investiciono-tehnička dokumentacija - elaborat snabdijevanja vodom, prikupljanja i tretmana otpadnih i oborinskih voda poslovnog objekta u ul. Bačići, Investitora „Džekos“ d.o.o. Sarajevo, a za potrebe izdavanja prethodne vodne saglasnosti, urađen od strane „ENCOS“ d.o.o. Sarajevo, mart 2020 godine;
- Dokaz o uplaćenju upravnoj pristojbi;

Nakon izvršenog uvida u dostavljeni zahtjev i priloženu dokumentaciju ovaj je organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu pregleda dostavljene dokumentacije utvrđeno je sljedeće:

- U planiranom objektu ne nastaju tehnološke otpadne vode iz procesa rada, a kako je to utvrđeno odredbama člana 2. stav 1. tačka (cc) Uredbe o uslovima ispuštanja otpadnih voda u okoliš i sisteme javne kanalizacije („Sl. novine FBiH“, broj 26/20).
- Na pripadajućim prometnim i parking površinama ne nastaju oborinske onečišćene vode kako je to utvrđeno odredbama člana 2. stav 1. tačka (s) Uredbe o uslovima ispuštanja otpadnih voda u okoliš i sisteme javne kanalizacije.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 2. stav 1 Uredbe o uslovima ispuštanja otpadnih voda u okoliš i sisteme javne kanalizacije, odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama, niti se odvijaju druge aktivnosti za koje je propisana obaveza ishodovanja vodnog akta od strane ove Agencije, u skladu s članom 218. Zakona o upravnom postupku, riješeno je kao u dispozitivu zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Prilog: Investiciono-tehnička dokumentacija elaborat snabdijevanja vodom, prikupljanja i tretmana otpadnih i oborinskih voda poslovnog objekta u ul. Bačići, Investitora „Džekos“ d.o.o. Sarajevo, a za potrebe izdavanja prethodne vodne saglasnosti, urađen od strane „ENCOS“ d.o.o. Sarajevo, mart 2020 godine;

Dostaviti:

- „DŽEKOS“ d.o.o. Sarajevo, Ismeta Alajbegovića Šerbe 16, 71000 Tuzla (sa prilogom)
- AVP Sava, ISV-vodna knjiga
- Sektor 40, arhiva
- AVP Sava – Oglasna ploča